

Synchro Aruba cu resultado tremendo durante Argentina Open

ORANJESTAD - Recientemente algun di hobennan atleta di synchro Barracudas Aruba a participa na e campeonato internacional di landamento sincronisa na Buenos Aires, Argentina, e asina yama: "Argentina open". Despues di un siman activo cu practica y competencia den diferente categoria, bou guia di e coachnan Alva Torres, Yamisleidys Romay y Tammy McGreggor, tur por wak atras cu gran satisfaccion.

E bialha aki a toca turno na e grupo di edad 13 te 15 aña pa participa den eventonan di Solo Duet y Team, tambe Aruba a wordo representa door di Kyra Hoevertsz y Anouk Eman den e categoria di Senior cu un Duet Technical y un Duet Free. Ta importante pa menciona, cu Aruba a sa di logra posicionnan clave den premiacion den tur categoria di competencia cu nan a participa.

TEAM

Team 13-15 a sa di konkista e di tres lug a di 13 Team cu a participa. Cada atleta a ricibi nan respectivo medaya di brons. E atletanan di e categoria aki ta: Rizhaylee Bello, Anastasia van Daal, Meghan Tromp, Kaina Croes, Nathania Riley, Abigail de Veer, Jasiliene Schmidt y Mary Jane Wong. Oro a bay pa e Team di Canada, y plata a bay

pa Argentina. Duet

Aruba a presenta cu dos rutina di duet, den persona di Kaina Croes hunto cu Meghan Tromp, y e segundo Duet tawata consisti di Anastasia van Daal hunto cu Rizhaylee Bello. Den Duet tambe Aruba a konkista e di



tres lug a, den persona di Anastasia y Rizhaylee, mientras cu Meghan y Kaina a logra di seis lug a entre 20 Duet participando. otro rutina di duet. Oro y plata ambos a bay pa Duet nan di Argentina.

Solo

Aruba a keda representa den e categoria aki door di Abigail de Veer. Abigail a sa di duna un tremendo presentacion di su rutina asina konkistando e di tres lug a y a ricibi su medaya di Brons. Den e categoria aki tambe ambos medaya di

Oro y Plata a bay pa Argentina.

Senior Duet

Ultimo tempo nos ta scucha y mira hopi di otro dos atleta cu hopi ambicion den e deporte aki. Kyra Hoevertsz y Anouk Eman ta un Duet dinamico, cu banda di nan estudio na Merca, nan sa di combina

nan tempo cu practica di synchro. Tur esaki cu e meta pa purba di logra clasificacion pa e Weganan Olimpico na RIO 2016.

Den e competencia di Technical Duet, Kyra y Anouk a konkista e di dos lug a y ambos a ricibi nan medaya di Plata cu masha felicidad. Na di prome lug a Argentina y na di tres lug a sali Venezuela. Despues a toca turno na e Free Duet pa e atletanan aki y nan presentacion tawata uno ariba musica di Vampire. Nan a interpreta esaki fabuloso y atrobe a sali na di dos lug a ganando e medaya di Plata. Argentina a capta e medaya di Oro y Venezuela e medaya di Brons.

Tanto coachnan, atletanan y nan mayornan ta masha contento cu e logro di tur e atletanan. Aruba mester keda pendiente pa mas desaroyo den e deporte aki di synchro. Pabien na un y tur, cu boso logro cu ta pone nomber di Aruba riba un lug a clave den deporte aki.

Por sigui e atletanan aki via e Facebook pagina di "Barracudas" y Instagram: synchro Aruba

